


lazarin  
580

Burnel

Ode presentee a monseigneur le prince de Conty



UNIVERSITY OF N.C. AT CHAPEL HILL



00023008004

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
2580



7  
25-80

ODE  
P R E S E N T E E.  
A M O N S E I G N E V R  
L E P R I N C E.  
D E C O N T Y.  
E N L A M A I S O N D E V I L L E  
sur son arriuée à Paris.



A P A R I S,  
De l'Imprimerie de M. B L A G E A R T.  
1649.



ODE

PRESENTÉ

A MONSIEUR

LE PRINCE

DE CONTY

EN LA MAISON DE VILLE

le 10 Mars 1649



A PARIS

De l'imprimerie de M. BLANCHART

1649





A  
MONSEIGNEVR  
LE PRINCE.  
DE CONTY.

Sur son arriuée à Paris.

O D E

**P**RINCE estimé pour le plus sage  
 Que le Ciel fit naistre iamaïs,  
 Qui seras l'honneur de nostre age  
 Te portant au bien de la paix;  
 Que ma Muse trouue de charmes  
 A te louer dans les allarmes  
 Que Paris esprouue aujourd'huy!  
 Puisque iustement il s'asseure  
 Qu'il ne peut manquer à ceste heure  
 D'un fidele & puissant appuy.

A ij



4  
Le peuple abbatu de l'outrage  
Dont la faim luy faisoit effroy,  
Semble auoir repris le courage  
Aussi tost qu'on parla de toy :  
Ta presence a fait des miracles  
Qui feront parler les Oracles  
Auecques ceste verité;  
Que c'est toy qui donne la vie  
Que le desespoir eut rauie  
Si tu ne l'auois arresté.



Au milieu de ceste auanture  
Dont chacun se trouua surpris,  
Ce fut en toy qu'un bon augure  
Releua soudain les esprits,  
Et l'on crût avec assurance  
Que les interests de la France  
Furent la cause du retour  
Que tu fis avec tant de gloire  
Que tout le peuple en ta memoire  
Volentiers chaumera ce jour.



Ce fut aussi sans flaterie  
 Dans une grande occasion  
 Que le salut de ta Patrie  
 Excita ton affection ;  
 On n'oït iamaïs tant de plaintes  
 Pour de si funestes atteintes  
 Qui troubloient l'air de nos souffirs ,  
 Et pouuons nous aussi bien dire  
 Que iamaïs un si doux zephire  
 Ne se leua sur nos desirs.



Ton nom porté de place en place  
 Avec tant d'admiration,  
 Fut receu de si bonne grace ,  
 Qu'on benit ta protection :  
 Et quoy, qu'affligé de misere ,  
 Et dedans un temps si contraire ,  
 Le Bourgeois regardant les Cieux  
 En tesmoigna quelque allegresse ,  
 Et son cœur noyé de tristesse  
 En fait moins parestre à ses yeux.



Ainsi dedans un grand orage  
 L'Astre qui luit aux Matelots  
 Fait qu'ils craignent moins le naufrage  
 Qui semble peint dessus les flots ;  
 Ainsi te voyant si propice ,  
 Chacun craint moins souz ton auspice ,  
 Et tu fais esperer un port  
 Dans l'espouuante que nous donne  
 Ce grand appareil de Bellonne  
 Qui nous fait hayr nostre sort.



Pour bien iuger de nostre peine,  
 Et recognoistre nos douleurs,  
 Il ne faudroit que veoir la Seine  
 Qui se rend grosse de nos pleurs,  
 Dont la couleur toute changee  
 Montre de nostre ame affligee  
 Les veritables sentimens  
 Ne pouuant assez de nous-mesme  
 Pour une cause si suprême  
 Exprimer les moindres tourmens.



*Helas ! que mon ame est craintive ,  
 Lors qu'elle y pense seulement ,  
 En se voyant comme captive  
 Avecques tant d'estonnement ,  
 Au plus beau lieu de cest Empire ,  
 Où nostre liberté sousspire ,  
 Où les Dieux faisoient leur sejour ,  
 Où l'insolence de la guerre  
 Fait aujourd'huy trembler la terre ,  
 Et n'est plus capable d'amour.*



*Dieux ! qui voyez nos infortunes ,  
 Et n'ignorez pas nos souhaits !  
 Rendez-vous aux plaintes communes  
 Plus fauorables que iamais ;  
 Ramenez ce jeune Monarque ,  
 Que nous cherchons , ou que la Parque  
 Coupe la trame de nos jours :  
 Car sans luy , nous ne pouuons viure ,  
 Et c'est luy , que nous voulons suiure ,  
 Quelque part qu'il aille tousiours ,*



Le Ciel auroit trop d'injustice  
 Si nos vœux n'estoient exaucez,  
 Car on peut veoir sans artifice  
 Que nos cœurs en sont tous blesez:  
 Grand Prince, en qui nos esperances  
 Ont de si fermes assurances,  
 C'est de toy que nostre bon-heur  
 Doit bien-tost tirer sa naissance  
 Pour auoir la recognoissance  
 Que ie prepare à ton honneur.



Comme celuy dont la conduite  
 Fut si chere au peuple de Dieu  
 Leuant les mains en sa poursuite  
 Le rendoit vainqueur en tout lieu;  
 Ainsi toute la France espere  
 Que ton entremise si chere  
 Ne sera pas de moindre prix,  
 Et que l'attente sera vaine  
 De l'Estranger qui dans sa haine  
 Ne pretend qu'à nostre débris.

BVRNEL;







